

欽定四庫全書

子部

普濟方卷三百九十一



南京中医药大学图书馆版权所有

詳校官太醫院恩糧臣袁天錫

編修臣倉聖脈覆勘

欽定四庫全書

普濟方卷三百九十一

周王朱橚撰

嬰孩癖積脹滿門

總論

大腹脹由皮脾胃虛氣攻作也實者悶亂喘滿可下之

用紫霜丸白餅子不喘者虛也不可下若悞下致脾虛

氣上附肺與脾子母皆虛肺主目胞腮之類脾主四肢

母氣虛甚即目胞腮腫也色黃者屬脾也治之用塌氣

丸漸消之未愈漸加丸數不可以丁香木香橘皮豆蔻
大溫散藥治之何以然脾虛氣未出腹脹而不喘可以
以散藥治之使上下分消其氣則愈也若虛氣已出附
肺而行即脾胃內弱每生虛氣入於四肢面目矣小兒
易為虛實脾虛不受寒溫服寒則生冷服溫則生熱當
識此勿悞也胃久虛熱多生疸病或引飲不止脾虛不
能勝腎隨肺之氣上行於四肢若水壯腎氣浸浮於肺
則大喘也此當服塌氣丸病愈後面未紅者虛衰未復

故也

治腹脹者譬如行兵戰於林寇未出林以兵攻

之必可獲寇若出林不可急攻攻必有失當以意漸收
之即順也治虛腹脹先服塌氣丸不愈腹中有食積結
糞小便黃時微喘脉壯而實時飲水能食者可下之蓋
脾初虛而復結有積所治宜先補脾後下之下後又補
脾即愈也補肺虛喘 腹中有癖不食但飲乳是也當
用白餅子下之 小兒病癖由乳食不消伏在腹中乍
涼乍熱飲水或喘嗽與潮熱時發故飲水過多則當滌

脾胃不能傳化水穀其脉沉細益不食脾胃虛衰四脉

不舉諸邪遂生羸瘦而成疳矣

曹宣得子三歲面黃時發寒熱不食而飲水及

乳不止衆以為潮熱用牛黃九麝香丸不愈及以止渴乾葛散服之反壯錢氏當下白餅子主之後補脾乃以省積九磨之此乃癖也後果愈何以故不食但飲水者食伏冷腕內不能消致令發寒熱服止渴藥吐者藥傷脾所也下之即愈

食癖者其狀在右脇時復來衝心多驚恐

是也宜服進食丸化之

乳癖者其形在心時或上下

疼痛啼叫時作壯熱此不可取宜用消乳丸

疳癖者

其狀在右脇下生如木梳子大致令肌肉不生漸成羸

瘦或作潮熱及肚大宜取之仍服進食丸 痼癖者其

狀或在左右脇間致令啼叫亦須取之 驚癖者其狀

在心頭不動常要驚啼此因小年驚積成塊涎裹成癖

伏之於心此病須要礞砂藥方可取之大抵癖病宜服

三稜蓬朮橘皮巴豆硃砂縮砂烏梅等藥漸磨化不可

急取 腹脹之狀膨脝臌脹 素問云濁氣上則生臌脹如鼓之有聲

心腹脹滿但名榮衛隔塞鳴息喘粗皆由冷氣所作 實鑑

云凡冷結在脾因茲腹脹壅滯於脾內不通而外不散痞凝於胃上

不降而下不升或乳食過度致傷脾胃胃氣弱則臟腑
弱令腹有飽脹二證亦有半虛半實證虛者腹脹不喘
洩瀉不食實者朝寬暮急悶亂喘粗半虛半實者喘滿
洩瀉或腹脹不喘小便如常皆半虛半實也 虛者皆
益黃散次塌氣丸導氣丸再益黃散補次妙九子下再
白朮散若心腹脹滿大便秘澀煎宣風散送下妙九子
半虛半實者益黃補次妙九子下再益黃散若腹脹不
喘大便如常塌氣丸導氣丸漸漸消之有一等腹脹滿

肚大青筋四肢瘦劣謂之疳蠱此病多死

癥

音真又音呈

傷食得之痛刺脇肋心胸煩悶飲食不下吐逆心忪不

醫治漸成癥結又曰食結

癥

音賈又音加

傷血得之心膈

鬱悶痛引少腹時或攻築上搶心胸雖不阻食肌肉不

生久而不治漸成癥結又曰血結

痞

音甫又音比又音婢

傷氣

得之心腹膨脹肚大脇滿痛刺往來主左肋面黃肌瘦

倦怠無力久而不治漸成痞塊又曰氣塊

癖

音僻傷積

得之其證如腸辟之疾便利無度滑不成糞似痢非痢

似虫在腹肚乾痛上築心胸滿悶久而不治頑結不散
腸結成塊有類痞狀 以上四證皆作寒熱有如瘧候
一般悉由傷及五臟惟痞癖左脇肋塊其氣結聚男女
皆在左肋四證大同小異凡治寒熱先以梨漿飲進三
服退其寒熱寒熱已消去三五日後方可與服磨痞丸
即日日頻頻與服癥瘕之疾只與三稜丸下去積毒以
通為度 凡疳氣脹痞極脹氣積脹小兒患疳證候皆
由虛所傳積乃為母既積已作虛氣傳授遂成疳疾其

名數種皆漸所致不可更與通利尤加重候即宜和益
消痞調氣治之先與服神功保童丸以至泄氣為快既
泄虛氣即散不傷其氣攻效至良應患痞疾便利無故
大有功效 鎖肚脹急此一證候兒在胞胎中無只由
初生七日內有患觸受而成急如水火其作延久漸見
加重以致肚青筋撮口不乳其候甚者名脹急其兒感
觸邪氣入腹衝心不能自化遂變風候及至成風不可
更投疳藥雖然鎖肚撮口不乳其色未變精神未耗者

速用下藥以通為度纔通便安宜服真珠天麻丸人

纔生下男女有一證男在三五七女即二四六日奇偶

之有數陰陽之顯道者遂感客忤邪正相干亦令兒肚

緊青筋噤口不乳此由客情外來致襲其邪陰陽不順

冒觸其正

初生男女氣脉未定精神未足然皆邪觸

上古醫家著述繁雜難

窮至要世俗雖有加文理無用矣

血氣發生豈因經客若以艾炷即為虛設既

受此厄越日移時母泣父啼痛心待斃凡上膈脹中

脘脹食傷膨脹者膈與脘上下相承膨與脹輕重自別

脘受疾久則痞悶膈則病停鬱結是知膈隱胸膛脘臨
脾胃膈者猶隔也有如隔礙脘者管也通即流利二位
皆由食傷宿冷眠卧遇風停滯之氣不順於三焦怯弱
脉虛傳於五臟所謂脾不磨食胃不化食所以膨脹若
於膨脹之時不與消利遂致虛滿又於虛滿不為疎補
其氣即攻中脘不化即在上膈既在上膈為疾必作形
証傳即為重醫莫容易取愈食傷膨脹服三稜煎丸中
脘腹脹服王氏塌氣丸上膈鬱脹服大茱連丸 楊氏

曰小兒乳哺失調三焦闕隔以致水漿乳哺停滯脾胃不能宣行冷氣結聚初則成積久則血膜包水時時作痛或為潮熱或生寒熱及瘧家多於中脘蓄積黃水日久結癖寒熱不已幼幼方曰由脾胃虛冷乳食積滯不能尅化以致血膜頑疾裏積而成癖湯氏曰食癖乳癖疳癖痞癖宜以甘遂芫花義術三稜巴豆等取之惟驚於取藥中加以南星半夏化痰之劑實者取而後補虛者補而後取補脾則實脾散磨積則消積飲用巴豆去巴

豆或砲砂厚朴取積則紫霜九神妙九五積九重者消
癖九 痞者塞也結者實也熱氣蘊於胸膈之間留飲
聚於腹脇之內於是榮衛不能流行臟腑不得宣通由
脹滿而至痞結勢使然耳此熱實之證也時或發為壯
熱甘遂散主之 原小兒癥瘕癖結候五臟不和三焦
不調有寒冷之氣客之則令乳哺不消化結聚成癥癖
也其狀按之不動有形攻起者癥也推之浮沉者瘕也
其弦急牢強或在左或在右者癖也由冷氣痰水食飲

結聚所成故云癥瘕癖結也 夫小兒寒溫失調飲食不化與臟氣相搏結聚不動名為癥也其食結在腹喜寒四肢灑灑如瘧不能飲食常自隱隱而痛此則食癥也 小兒瘕者腹中疼痛無常不定在一處者瘕也小兒結癥成塊者為不慎滋味嘗喫滑膩肥腥羶瓜果胃不和結實難化癥痞於胸膈之間攻衝榮衛則嘔逆頻頻喘粗眼澁更加頻渴或歸於下部則泄瀉頻併兩脇虛脹便只和脾胃或是疎瀉或則飲食不化漸次成癥

凡小兒生下有痾癖氣有疳蟲攢心氣有胎驚疝氣
有抱心吊氣者痾氣發時橫來左右脇下築痛或吐逆
急下鮓湯圓通利後以勻氣散服之疳蟲攢心氣者其
後伏面去蟲藥如渴水未住便下塌氣丸夾黃連飲子
服之胎驚疝氣者生下多夜啼或吊上腎乃以寬氣藥
參苓散治之又用葱涎膏貼外腎醒後汗出如渴水無
時乃以槐角丸又寬氣藥調理二三日亦已通利與勻
氣散生下未週歲見陰腫者此胎中大受極熱或父之